

THE TEAR OF JAPAN

癡

洲

淚

胡
惟
德



著者宣統庚戌之小影



By
Mr. Ma Weh Long
Tokyo, Japan. 1910.

怪迂方士未諳吟漢恨唐
愁轉益滾君有奚囊誰與
守別家山水故鄉心
海曙熹散侵客寢天風駘
蕩簸昔魂慙余共締櫻花
約哀樂無端酒後溫


兼成三月

峽樽仁兄出脈大箸率題奉

報即乞

鄂政

山陰陳治藹時同客東瀛



序

說文詩志也。詩大序，詩者志之所之也。詩含神霧。詩者持也。荀子勸學篇。詩者中聲之所止也。賈子道德說。詩者志德之理。而明其指。令人緣之以自成也。蓋人心非木石。有感覺必有趨向。但岐異隱秘。人莫能測。發之於詩。而厥指乃彰。持其中所趨向。辭達而止。厥指既明。誦之者自油然而生其感覺。以應之。往往波滙雲合。鍼芥於環海之內。琴夢於數千載而上。而不能以已。其效用可謂宏大而不可方物者矣。抑又聞之。洪範五行傳云。厥極憂時。則有詩妖。春秋左氏傳。物反常則爲妖。夫自康謠虞歌。而後歷代作者。支派各別。要其大概。時之盛也。則歡娛之聲多。時之衰也。則哀厲之音作。發聲。矢音。有流露於不自覺者。方今八表同昏。風雨如晦。海內志士感時發吟。類多變徵之音。豈故

序

一

爲○棄○常○一○變○其○和○聲○鳴○盛○之○致○哉○意○有○所○鬱○結○志○有○所○專○注○方
欲○持○其○心○志○之○所○趨○向○斬○天○下○撫○時○感○時○豪○傑○有○志○之○士○惕○惕
焉○皇○皇○焉○爲○在○陰○鳴○鶴○之○和○以○期○聲○聞○大○野○輓○回○夫○陸○沉○將○及
之○神○洲○維○持○夫○奔○走○無○告○之○窮○黎○而○登○之○衽○席○之○上○進○亞○東○治
化○於○大○同○之○世○也○夫○豈○偶○然○哉○同○門○馬○君○蛻○桴○少○抱○逸○才○蒿○目
世○變○時○思○輓○救○留○學○日○東○已○歷○五○載○譯○書○覺○世○逾○數○十○卷○吾○鄉
績○學○匡○時○之○彥○允○當○首○屈○一○指○復○出○其○緒○餘○發○爲○詩○歌○雄○奇○瑰
偉○不○可○一○世○郵○筒○賡○和○殆○無○虛○日○下○走○服○膺○久○矣○近○擬○刻○其○遊
東○以○來○近○作○都○若○干○首○出○以○問○世○不○棄○櫛○鈍○屬○贅○序○言○爰○抒○臆
見○以○就○正○焉○至○馬○君○之○詩○出○自○足○傾○倒○一○世○固○無○勞○下○走○之○揚
贊○特○恐○世○之○徒○贊○賞○馬○君○詩○者○轉○未○足○以○知○馬○君○也

宣統二年二月鹽城淵雷卞同慶序於教育會所

序

世界最古最文明之國。最不易亡。而又最易亡。不易亡者何。以最古最文明之。既久日趨於文弱。故埃及印度中國是也。嗚乎此豈古今得失之林哉。我國數千年來。外患迭逼。國命屢傾。海通以來。此禍尤亟。使他族天驕。得以野蠻自我。半開化詆我。而外鑠者流。又嘗於國粹。神沮魂喪。退而自疑。不知祖國風雲日形銷。索抉其弊。根實文弱。使然而愚弱。其次焉。文弱既極。流於畏法。自隣於邇。茸全國上下。馳騫於勢利聲色。而國家存亡之念。遂漸滅殆。盡西晉東遷。宋室顛仆。明社邱墟。覆轍所蹈。前後如出一途。肇其端者。僅一二人。而流毒所播。漸蔓延於天下。而莫能自拔。曰清談。曰詩酒風流。曰燕子箋。以爲古之才士。有先我行之者。而

序

三

豈知神州無氣。大陸不光之慘象。即胚胎於此哉。中國文弱至今日而亟矣。內憂外患。創鉅痛深。實爲亘古以來所未有。生斯世者。宜如何樹立人格。躬自蹕厲。講經世有用之學。以掾沾危。文采風流。非今日所當有。抑亦不暇。吾友蛻桴。素以經世之學爲志者也。其所懷抱。別有宏圖。豈欲以文字見。兩載以前。即慨然於國步之艱難。譯著比較國會論。富之滿州諸書。饋餉國民。蛻桴之志何若。讀此兩書者。不難想見其爲人。鄙人非有私於蛻桴也。而蛻桴平素之自期。實在此。而無可疑。頃出所著瀛州淚一冊。問序於予。予非善於詩詞者也。展讀一過。驚與感併。驚者何。蛻桴之志。每著一書。立一說。足裨實用。爲世所重。本不欲以詩詞見。感者何。想蛻桴一腔熱血。無地可灑。鬱鬱不適。無可寄託。始以詩詞見。此豈蛻桴素旨哉。然則是稿也。或即正則之。

寄託。始以詩詞見此。豈蛻桴素旨哉。然則是稿也。或即正則之。
憂思王郎之悲歌。工部之感憤乎。嗟乎。蛻桴經世之志。實已隱。
寓於此一冊中。悠然不自知其感之深。而意之遠矣。是耶非耶。
敢以質之。蛻桴。

宣統二年之四月。同學弟牛遜拜序於日京客舍。

序

馬子。蛻。桴。血。其。性。者。也。里。居。瀏。覽。其。著。述。血。誠。熱。性。流。露。言。表。歲。已。酉。追。陪。於。扶。桑。三。島。間。六。疊。之。席。圍。爐。環。坐。每。談。及。祖。國。事。則。歎。噓。太。息。慷。慨。激。昂。若。牢。騷。滿。腹。然。是。殆。所。謂。二。十。世。紀。新。發。見。之。賈。長。沙。陳。同。甫。歟。客。冬。馬。子。以。大。部。見。擯。故。來。東。補。習。庚。戌。春。出。其。所。著。瀛。洲。淚。見。示。並。使。雲。金。序。之。雲。金。腸。澁。思。枯。素。短。文。字。且。棄。筆。硯。不。共。晨。夕。者。四。五。陬。涂。安。足。以。序。君。詩。辭。不。獲。已。則。請。以。與。君。素。相。言。論。暨。有。見。於。君。者。約。略。述。之。今。之。命。爲。詩。人。者。罔。不。外。風。韻。格。調。四。字。而。論。詩。者。尤。以。李。之。韶。秀。陶。之。閑。靜。白。之。幽。遠。陸。之。俊。逸。爲。唯。一。無。二。方。針。夫。班。香。也。宋。豔。也。孟。麗。也。崔。新。也。以。之。誦。舞。承。平。擣。揚。芬。藻。可。耳。值。茲。大。陸。銷。沉。神。州。板。蕩。碧。眼。覲。中。原。之。鹿。黃。旗。掩。上。國。之。龍。凡。一。切。

序

六

路。礦。橫。潮。工。商。戰。鼓。慄。慄。處。堂。之。燕。雀。嗷。嗷。待。哺。之。哀。鴻。其。觸。於。目。而。戚。於。心。者。舍。悲。訶。以。外。無。筭。述。舍。哀。號。以。外。無。音。聲。必。津。津。以。李。以。陶。以。白。以。陸。爲。風。人。師。事。直。商。女。唱。後。庭。花。矣。樂。記。有。云。治。世。之。音。安。以。樂。亂。世。之。音。怨。以。怒。朱。子。注。雅。言。章。曰。詩。以。理。性。情。雲。金。謂。下。此。厄。運。不。欲。以。詩。見。則。已。如。欲。以。詩。見。上。焉。者。鼓。吹。憲。政。之。精。神。激。揚。國。民。之。忠。憤。其。次。則。因。時。記。事。道。性。言。情。或。不。失。爲。有。用。文。章。馬。子。是。編。都。凡。三。百。律。其。雄。奇。瑰。偉。沉。摯。淋漓。讀。之。令。人。悲。憤。上。焉。者。雖。不。足。其。次。殆。庶。幾。乎。尤。可。異。者。馬。子。欲。以。是。編。餉。世。也。權。輿。於。客。夏。假。令。不。爲。資。格。限。而。天。人。三。策。對。中。漢。廷。則。瀛。洲。之。淚。灑。至。已。酉。而。乾。矣。惟。因。部。摺。而。激。憤。因。激。憤。而。有。庚。戌。之。續。人。事。變。幻。資。料。宏。多。其。與。屈。原。離。騷。庾。信。江。南。同。一。不。得。志。之。作。歟。雲。金。不。文。走。書。顛。末。

於馬子之意。或有所符。若謂作詩者有流派。序詩者亦當明派別。雲金不知詩。固不足以別流派。恐按派以求者。尤未足以知馬子也。

宣統二年三月古鹽硯深管雲金識於日本東京宿舍

序

駝桴素不言詩。猶之余也。自科舉廢。志在四方。南江漢。北渤海。凡所遇名山大川。燕趙畿輔之勝。娛於目者。轉發於聲。然恒以未工爲病。於人不見示及踰黃海。仗劍東遊。攷小東。所以致強。悟祖國所以凌替。憂心時事。如醉如癡。其作不平之鳴也。固宜。而又時偕二三有志之士。躋蓬萊而升絕頂。海天回顧。西下茫茫。慷慨悲詩。撫髀擊節。想見其音與山水音一一相應。所謂詩因性情發。亦隨處境異也。然其格律青蒼。魄力雄邁。尙不自知。有所得。君寄正於余。余亦勉爲和者。屢矣。庚戌春。書至。告以夏間研究科畢業歸。而不復東渡。擬彙近數年所作。付諸剞劂。名曰瀛洲淚。徵序於余。余不才。於古文藩籬。渺未窺涉。然以余和詩與駝桴作詩之情。實有可証。以道同而未能忘於心者。爰一叙端倪。以郵寄海外。駝桴其不以予言爲謬否。

宣統紀元之二年三月拱辰王用森序於古鹽之塾廬

序

九

先○憂○後○樂○成○心○性○舊○學○新○知○付○涕○淚○別○有○深○情○人○不○識○蜻○蛉○洲○
 上○立○多○時○
 時○局○如○棋○着○着○難○敢○云○歌○哭○起○無○端○可○憐○一○掬○長○沙○泪○灑○入○滄○
 波○共○不○乾○
 山○深○夜○黑○猿○聲○緊○快○把○君○詩○擊○節○歌○翻○恨○一○般○長○樂○老○此○中○况○
 味○識○無○多○
 年○來○仗○劍○逐○風○塵○蓬○島○行○吟○倍○愴○神○最○羨○高○山○有○奇○癖○好○憑○一○
 哭○喚○維○新○

馬丈峻桴。僑居東島。恫念時變。每有感觸。輒厲於詩。五閱陬塗。哀然成帙。命之曰瀛洲淚。淒音激響。固小雅之遺轍。古切今亦楚騷之續爰。以付梓。囑序於予。自慙不文。固辭未獲。勉成四絕。藉當弁言。雖逃士安著糞之譏。然亦自忘東家效顰之醜矣。詞意拙陋。並乞賜教。

啓晴呈稿

羸將苦淚付詩篇。客裏光陰路八千。張子工愁江子恨，一般寫出總情牽。
書劍匆匆逐海東。萍踪飄泊與君同。淒涼讀盡傷心淚，疑是當年老杜公。

高郵公坦弟楊遵路敬題

我愛扶風學超然。有夙根詩星照寰海。才氣壓崑崙，字字長沙淚絲々。老杜魂草堂遊後樂妙諦證淵源。
六渡蓬萊島河山感慨多。金甌誰再補鐵板幾狂譎理想崇盧孟風情駕米莎一聲霹靂吼聾噴夢如何。

芷江弟楊同寅題於皖江客次

自序

詩之一道。雖不適用。然足以感觸性情。排遣懷抱。亦文人所不可廢者。余幼不能詩。而嗜之綦篤。值甲午庚子時代。疆土割讓。車駕蒙塵。哀哀浩劫。舉目傷心。欲託諸吟咏以寫憤鬱。愧着筆竟日而不成一句。因此詩詞一途。望洋歎矣。乙巳春。負笈東瀛。胸襟志趣。覺爲一變。晨夕所與往還。頗多一時賢豪俊士。及彼邦名宿舊儒。又類多能詩者。余心焉識之莫肯忘。毅然學之不稍懈。且以吾儕弱國之民。求學方強之國。無涯芒刺。叢集背端。迴首中原。依然酣睡。欲斷周髡之緯。遂顰梁父之吟。然偶一成聲。不敢自信爲能詩者。未兩陬涂。稍稍積帙。不過巴人之曲。供個人寄託已耳。烏足以問世。第重以友朋雅命。促付剞劂。拙奚敢藏。爰萃擇二百餘章。以報同好。且藉爲平日掃愁之帚。聆癡

之符而已。至於繩以風格。溯其源流。純然無悖乎古人。固非余之所敢企。當亦爲海內外談詩者所共諒也。

宣統二年三月鹽城馬爲瓏謹識於日京旅舍

例言

一 吟感發生始於乙巳負笈異邦日生激刺故漫名曰瀛洲
淚

一 是稿以年爲先後故分乙巳丙午丁未戊申己酉庚戌六
期以覘人情世事變遷之實相

一 凡同志見和皆擇尤附載原作後藉資考鏡

一 自余識詩後海內同志絡繹唱酬白雪陽春饜飫難盡爰
不次先後擇錄以報同人

一 詞曲一門隨填隨佚留存者寡然以備置一格爰錄其所
記憶者附入庚戌期末

一 倉卒付梓未計修飾闕者諒之

瀛洲淚目錄

乙巳初遊日本

漫讀

經長崎

神戶晚眺

登馬關春帆樓

讀心史

滯滬雜感

長江遇雨

白門口占

夜遊明故宮

除夕感賦

目錄

805509

~~805510~~

目錄

丙午秋偕邑中同志東渡

偶感

舟興

贈新會楊君鼎甫山陽曹君民輔

贈王君拱辰

丁未正月挽先師陳惕庵先生

病中雜感

次金君謫蒼見贈韻

春夜不寐

丁未上巳遊向島觀櫻

上野公園觀麟

旅邸書懷

報夏養齋李守先兩君

中秋里門口占

秋八月京畿道中

旅京秋夜偶成四絕

九月由天津赴日本航海中偶感

渤海道中寄懷季君景范

泊韓國之仁川港

哀朝鮮

旅日感事

次韻奉酬譚問羹君

次修藝社長敬香主人韻

戊申中秋無月里門口占

目錄

步拱辰中秋述懷韻

次姜君鯉庭見贈韻

秋九月舟經黃海道中勉成兩律即寄拱辰

重九日寄懷式哥鉢弟

病中憶家

次黃君伯寅遊片瀨箱根韻

十月返國將圖美洲壯遊別贈郁君趣頻

自勵

登布引山觀瀑

舟經韓國西南羣島時風浪甚惡無以遣懷勉咏一律即寄

趣頻

津門訪盧君愼之

冬月出都別贈景范

過白下訪李君審言

臘歲旋里雜咏五古九首

答拱辰見贈

歲殘懷瑄哥

再次鯉庭見贈韻

己酉二月五之日本舟中感賦

寄懷張君益生

旅館夜吟寄郝喟侯君

讀三月二十一日 上諭敬賦

左君惺宇以一官冷滯杭垣屢得書具見牢騷語溢於紙上

爰賦此誌別並慰之

目錄

寄懷次哥

初夏偶成

新霽

夏六月趣頻卒業回國出小像素題爲臨別記念爰勉賦兩

律以贈

懷李君海曙

夜坐

送郁君趣頻至新橋驛口占四截

偶感

送伯寅歸國

懷歸

夏日獨居

晚步

秋七月余歸自日京別贈管君砮深

沈君恭甫招予拍影賦此以贈

贈陸君蘭洲爲予餞別

秋宵

答管君砮深見和

秋日寄沈君恭甫

遊山海關

懷慕哥

辜月哭王氏姊

庚戌正月贈楊君籽缸

杭州客舍夢中作兩截

目錄

八

少年行

日京雜感十五絕

題沈君恭甫鐵道小史

旅邸寫憤賦寄劉庚白君

贈趙君雨生兩絕

讀蔣觀雲先生詩有感即以賦贈

感事三律

庚戌東遊怏怏不樂爰本所感拉雜書之漫不詮次得八首

附詞

附錄

瀛洲淚

江蘇鹽城馬爲瓏蛻杼甫著



乙巳初遊日本

整頓乾坤大任身。學成政畧報君親。神州黑暗無生氣。一放光明賴有人。

恨我遲遲着祖鞭。秋風吹冷菊花天。此行高唱中興曲。換着文明照大千。

漫讀

漫讀春秋大復仇。法權墮落怎能收。年來無限傷時淚。獨向風前不敢流。

經長崎

瀛洲淚

經過此地一登臨。形勢紆迴絕古今。憐我江山空險固。中原早已不能兵。

神戶晚眺

放懷海外一憑欄。歷歷詩情百萬端。瀛水輕颺渾似雨。輪烟高舉恰疑山。帆檣裊裊穿濤去。燈火星星閃樹間。無限壯觀收不盡。晚風瑟瑟釀新寒。

登馬關春帆樓

此為乙未中日議和處

偶來怎識傷心地。提起平戎淚已枯。秋草離離苔綠綠。求和碑字未模糊。

讀心史

龍門史後傳心史。凜凜孤忠節已殫。未讀終篇肝膽碎。班班血淚句中看。

滯滬雜感

申江積俗異環球。歌管樓臺儘莫愁。粉雨香風天亦醉。不堪回首望神州。

春色深藏白板門。阿鬟性態劇溫存。口頭慣獻團圞語。那識河山已不圓。

一輪江月瑩如鏡。照出滄桑感舊思。怪煞萬花不解意。絲絃仍譜太平詞。

附曹君民輔和作

幾年簫管盛春江。但解爲歡舉國狂。稍喜近來新樂府。能從歌舞話興亡。

南朝紅紛又登場。扇底桃花血未涼。淒絕當年人物在。白頭揮淚說先皇。

瀛洲淚

梨園猶見漢丰姿。此事傷心俗不知。一曲滄涼亡國恨。夜深哭唱黨人碑。

四

長江遇雨

長江逆上是歸途。故國河山一畫圖。恨煞老天無底漏。環圍烟雨太模糊。

白門口占

白門簫瑟綠雲稠。衰柳空垂感暮秋。代遠不知亡國慘。秦淮簫管賣風流。

夜遊明故宮

滄桑人世夢中看。秋草荒宮不勝寒。差喜多情一落月。依依斜照舊闌干。

除夕感賦

臘鼓聲聲大地忙。一年事去倍神傷。懷人歲末淒風雨。嗟我時窮
飽雪霜。東島依依驚日短。北廷夢夢尙宵長。不堪此夕鄉思觸。望
斷遙天雁一行。

附拱辰和作

兔走烏飛日月忙。天涯寂處已多傷。勞君訊問音傳電。苦我憂
思鬢欲霜。旅舍依人。生計拙家山入夢。話情長。驚聞臘鼓敲殘
韻泣下。征衣淚數行。

丙午秋偕邑中同志東渡

光復神州志未酬。朔風盪起海天愁。羣公均負興亡責。好把滄瀛
鄭重遊。

夾岸青山鎖未開。風濤澎湃任徘徊。此行爲造蒼生福。莫說天公
不愛才。

有感

平生歷史極尋常。每一低徊淚數行。好把離騷伴歌哭。悠悠世態一滄桑。
慘綠華年愴逝波。天涯別淚上衫多。我生知爲誰辛苦。夢裏西鄉舊像峩。

舟興

迷離烟雨欠分明。無數青山不辨名。未到蓬萊心已醉。孤輪渾似畫中行。

贈新會楊君鼎甫山陽曹君民輔

時勢英雄造名言。莫忽諸此邦。生激刺吾道不。睽孤絞腦希羅字。歐心法制書組成。民族格萬里是前途。四海論交久。逢君醉復醒。危時忍。愬置短劍共悲吟。歲月催人夢。

文章泣鬼驚。寄廬幸匪遠。相訪證遐心。

贈王君拱辰

富貴無求矣。人身享自由。虛除盲日月。羞削亂春秋。鳴鳳聲猶澁。饑鳥食未休。羨君真達者。詩酒足排愁。

丁未正月挽先師陳惕庵先生

先生不世出。夙以氣節著。好撰傷時言。孤劍斬國蠹。學說騰江表。流俗為驚怖。先生豈在此。未足盡抱負。感嘆昔日事。歷歷忍堪數。當其幼年時。由來天人富。讀書異羣倫。挾持早有具。丙戌丁亥間。舊夢未驚寤。舉國習慣同。俗文紛馳騫。先生獨開明。學術崇掌故。吸引毛鄭髓。著述宏訓詁。進獻長沙王。頗得知己助。著文箋十卷詩經異王益吾祭酒刊入南菁書院叢書。彈指戊子時。棘苑標名譽。俗人祇涎名。詎知事實副。興利除害嚴。先生功在鄉里如修闢以利農興學以造桑梓彈

義務。戊戌變政。疾駭異及歸孺。先生竊心懼。但惜行之遽。此時杜
 里門。生徒如雲聚。宗旨尙單純。新舊交相顧。遠近高材生。聞風多
 景附。庚子惑頑民。巨亂危君父。憂憤作罪言。力破其中誤。著有罪
刊入後樂堂 乙巳塵夢驚。新政無基礎。百端循次革。組織新政府。
 誰知草莽臣。大文已詳數。更探富強源。立憲爲原素。援古釋民權。
 大惑頓超悟。著有民權 洋洋經世文。經史爲根據。平生著作多。集
 點在此處。先生志行高。遺說溯炎武。既讀萬卷書。復航萬里路。弱
 冠溯長江。山水添奇趣。過訪退省庵。擁篲隆禮遇。先生弱冠後講
直公於焦山慨譚 繼作京師遊。意氣高馳馭。黯黯燕山雲。莽莽
 門樹觸日哀。感多戚戚無懽緒。拂袖甫歸來。片帆潯江渡。高閣壯
 登臨。江門覽饜飶。柯遜庵中丞時爲贛藩電聘先生爲江西高等學
堂教務長先生因與某中丞意見齟齬婉言謝去
 乘興一入豫。暫爲十日駐。夷門月色寒。汴水濤聲怒。遊興尙未闌。

嶺南復兩度。諫草茁葱。葱風霜生。節署西林禮貌恭。意見同水乳。

乙巳冬應粵督岑雲階宮保之聘入幕掌奏疏先是勾留未幾時。道

躬竟不豫。惚惚浮海歸。旅蹤暫滯滬。此中賢豪多聞名。趨如鶩。力

疾時局談相對。生唏噓。時鄭蘇龔京卿湯蟄先都轉張季直殿撰情義尤

摯。縱有秦越人。無法能調護。爰聽黃鳥詩。昭陽兩月住。我時自東

歸。見我淚痕注。中腸愁緒多。對我不能語。多言不能言。知是病。沉

痼淹留一月餘。痛哉竟大去。噩耗方驚傳。道路咸酸楚。況是小子

心私痛。向誰訴。春風十載游。曾學邯鄲步。未待羽毛豐。稚翮欲遠

翥。眼高力不足。時艱日已暮。茫茫人海中。疇是良師傅。恐我難成

立。馳書苦勸諭。祇料生別多。誰知死離苦。送喪愧未能。聞之尤心

沮。溽暑我休歸。定展先生墓。區區小子心。綿綿哀詞布。

病中雜感

海。天。淒。絕。處。強。病。倚。危。樓。身。世。客。中。夢。乾。坤。畫。裏。舟。雁。啼。腸。欲。斷。
龍。戰。血。難。收。大。陸。沉。無。語。乘。除。算。到。不。
底。事。伴。狂。甚。登。樓。屢。放。歌。少。孤。餘。涕。淚。多。病。悔。蹉。跎。世。亂。文。章。糞。
身。勞。歲。月。梭。阿。兄。頻。解。慰。把。劍。共。摩。挲。

附拱辰和作之一

君。作。相。如。臥。雄。仍。擊。節。譟。胸。襟。真。磊。落。事。業。豈。蹉。跎。天。馬。空。羈。
索。神。龍。隱。織。梭。病。魔。容。小。住。敢。受。劍。摩。挲。

次金君謫蒼見贈韻

同。老。天。涯。客。韶。光。喚。不。回。淚。拋。人。海。去。劍。挾。國。魂。來。欲。碎。愁。千。壘。
且。拚。酒。一。杯。何。年。賦。招。隱。共。賞。舊。庭。槐。

春夜不寐

風。雨。瀟。瀟。來。短。夜。難。成。夢。披。襟。坐。寂。寥。痛。抱。心。史。誦。大。地。生。荆。榛。

刺中肌骨痛。嗟我誕不辰。身遭鬼蜮弄。利祿逐螾蜃。名節高鸞鳳。我盟一片心。終與猿鶴共。

丁未上巳遊向島觀櫻

屐忙踏盡莫春光。士女嬉遊舉國狂。獨有旅人少意趣。吾妻橋畔盼斜陽。日本淺草區有吾妻橋

又碧櫻。萬里遊人怕此行。長堤景象總關情。忙忙春事消磨易。纔見紅梅

上野公園觀麟

麟爲百獸靈。千載不多覩。云胡而來遊。竟遭異國囿。不食生草木。稱之曰仁獸。嗟嘆澆薄人。胡爲出其右。安得遊中華。河山恐短壽。

旅邸書懷

惹得維摩病。危樓一枕支。海天遊子淚。芳草竄臣辭。疎懶稽中散。

悲歌杜拾遺。鄉關萬里夢。迴想一情癡。
年少崇名節。論交貫始終。舌尖皆豎子。眼底幾英雄。
瀛海狂濤惡。潢池伏莽叢。淒涼風雪夜。佇立盼飛鴻。
又見梅花落。中原二月天。寸心縈國瘁。孤劍伴宵眠。
旅夢雖無據。新愁未易捐。澤鴻安輯未。鄭重度丁年。
我主單純派。曾遊後樂堂。抱經延國粹。立說杜瀾狂。
學理崇盧孟。清談擯謝王。不堪淒絕處。墓草已蒼蒼。

附拱辰和作之二

白壁瑕難免。黃金交不終。感時詩寄慨。論俠劍鳴雄。
瀛海思千里。萑苻萃一叢。那堪風雪夜。中澤泣哀鴻。
舉世趨權貴。危巢入夢天。喜君能獨醒。伴我未曾眠。
義待千秋樹。軀難七尺捐。祇憑心血熱。報國趁華年。

報夏養齋李守先兩君

儒○生○學○術○關○天○下○鳩○魄○梭○魂○君○見○之○鍛○鍊○精○神○淬○冰○雪○熱○潮○猶○復○
漲○淋○漓○
中○原○民○賊○勢○猖○狂○自○治○根○因○在○地○方○血○性○男○兒○能○幾○個○黃○金○世○界○
一○悲○場○

中秋里門口占

平○生○理○想○出○塵○寰○一○騎○風○雲○獨○往○還○僅○見○月○圓○秋○更○好○可○憐○皆○是○
破○江○山○
恍○聞○寶○劍○匣○中○鳴○冷○寂○星○球○悲○二○更○堪○恨○癡○天○明○慘○月○夜○深○昔○昔○
照○燕○京○

秋八月京畿道中

披○盡○三○千○榛○棘○路○放○投○冷○眼○作○勞○人○不○堪○撲○地○陰○霾○起○莽○莽○中○原○

有暗塵

天北天南異樣秋。空懷無措等虛舟。而今怕過京畿道。膩雨腥風愁更愁。

旅京秋夜偶成四絕

薊門樹色莽蒼蒼。雁影淒涼對夕陽。今夜秋風數千里。誰知此處是他鄉。

西風客子奈愁何。衰草黃沙鼓角歌。怕上燕臺弔秋色。數行啼雁向南多。

歲月催人客夢驚。滿懷淒怨感秋聲。匣中幸有青萍在。留與人間作不平。

圓美河山掃地羞。誰拋血淚挽神州。京華冠蓋依然滿。多少他人笑沐猴。

九月由天津赴日本航海中偶感

蒼天默默日蹉跎。儘有華年愴逝波。客路獨愁思骨肉。征衫未老怕兵戈。十年跋涉餘長劍。一醉婆娑發浩歌。如此河山甘破碎。燕京佳氣已無多。

附拱辰和作

時客唐山

光陰老大悔蹉跎。心事枯於井底波。已分此身難報國。何緣同室尙操戈。燕山冷落思鄉淚。易水驚傳送別譟。聞到扶桑東渡客。亦曾感慨似予多。

渤海道中寄懷季君景范

一官冷。京洛輪鐵未磨人。憂憤年年積。肝腸歷歷新。論交崇道義。多病累精神。祖國興亡係宜珍。大任身。寂寂鄉關雁。飄飄異國蓬。孤吟芳草外。殘夢浪花中。詩卷猶存在。

瀛洲淚

書囊幸未空。惟君能共語。酸苦與吾同。

泊韓國仁川港

朝日光芒燦紫霞。樓臺蜃市影橫斜。交通自是工商利。怎奈經營付別家。

哀朝鮮

年來怕讀征韓論。唇齒傷懷一往深。箕子爲奴吳亦沼。天涯同是可憐人。

旅日感事

同讐倏忽又同盟。歐亞風雲變幻驚。說到強權公理滅。忍將弱肉餓狼爭。孤生有淚空憂國。上帝無心亦畏兵。蕭瑟東風歸未得。徒教魂夢繞燕京。

次韻奉酬譚問羹君

識君雖未久。重話幾滄桑。雅誼憑心結。高才祇舌良。論交推管鮑。濁世賤文章。一紀天涯感。他時勿我忘。熱淚灑西風。詩潮逐海東。詞壇推健虎。筆魄走長虹。島國頻年累。中原萬里空。狂吟傲梁父。高調占誰同。

次修藝社長敬香主人韻

名大江孝之日本東京每日新聞社編輯員渠深通漢學詩尤擅長

另創有修藝詩社每星期招集彼邦名宿舊儒唱酬一次頗有特別妙趣余亦附社末焉

春梅今又了。逝水愴年華。身世客中夢。心情筆上花。浮生悲日落。遊子哭天涯。悵惘之何處。將乘八月槎。

戊申中秋無月里門口占

嫦娥何事太無情。如此良宵轉不明。劍裏詩人含俠氣。燈前蛩語訴秋聲。虛名枉博公卿望。危論空教海內驚。悵惘天涯知已在。殘蔬薄酒話蓬瀛。

附拱辰和作

我豈癡頑不解情。無如天意太難明。中原逐鹿愁多故。午夜聞雞疾惡聲。幹濟茫茫人海竭。詔書草草國魂驚。九年憲約如堪待。自喜兵戈靖四瀛。

步拱辰中秋述懷韻

新愁未比舊愁多。舉世迷茫喚奈何。誰爲危時撐大局。且輸壯志斬羣魔。驚聞瑟瑟梁州曲。怕聽蕭蕭易水歌。我記月圓東渡矣。好持長劍共摩挲。

秋風遊子感年華。回首東瀛去日賒。箕子徉狂誠不國。匈奴猖獗怎思家。十年舊友榮枯判。此夕深談笑語譁。閒裏唱酬原適意。不堪封奏上如麻。

次姜君鯉庭見贈韻

未及辭君別。西風短影沉。愁窮詩興滅。天黑夜疑深。漫灑新亭淚。
空餘屈子心。着鞭東渡去。落葉滿疏林。
同抱滄桑感。消愁酒一壺。誰提三尺劍。欲上萬言書。唱裏徵新句。
歸來訪舊居。勞君頻問訊。盼望意何如。
頻歲客中過。春風吹不歸。超羣爭鶴立。壯志逐雲飛。皎皎三秋月。
遲選四牡駢。廻觀人世劫。誰屋可瞻依。

秋九月舟經黃海道中勉成兩律即寄拱辰

記別河梁十日程。離愁繞繞意紛更。朔風刺骨寒無奈。濁浪驚魂
夢未成。大地江山呈殺氣。九天星月曳砧聲。詩人應有詩懷抱。寄
與君家訴不平。
人世別離渾不定。愛河情海總成癡。忻逢歸雁酬佳節。惆悵晨鷄
失好時。遙念故人多抱恙。漫教海外費尋思。政壇警界消愁未。獨

樹詩塲百咏之。

附拱辰和作

迢迢江海記歸程。此夕空堂獨聽更。故友詩箋勞遠贈。半生事業泣無成。月明大地留秋影。雁語遙天惜別聲。惟喜病魔初卸。卻不將休咎問君平。

憂國憂家渾不解。癡人說夢未真癡。年年讌會愁佳節。莽莽征塵憶昔時。小草獨留中土產。名花強抱故園思。登樓王粲今羈絆。莫說天空任所之。

重九日寄懷式哥鉢弟

頻年怕聽是驪歌。回首河梁悵若何。珍重寸分來日短。商量家國愛情多。喪心叔寶君休論。嘗膽王孫志不磨。寄語弟昆須努力。無情天演例人苛。

側身慣作孤飛鳥。天地爲籠劇可哀。覓食沙鷗隨權去。多情黃菊
共樽開。家園兄弟。懽斯日。人海知交。孰是才。如此天涯佳節度。西
風颯颯獨登台。

附拱辰和作

醉倒蓬瀛發浩歌。海天回望意云何。長蛇封豕侵吞甚。社鼠城
狐敗壞多。剩有隻身君可報。好持長劍日橫磨。男兒意氣關天
性。謂博功名論已苛。
黠黯神州秋氣肅。西風吹斷夢魂哀。英雄有志爭先著。國會何
心緩弗開。恐是老天仍釀劫。故教勤亂吝奇才。勞君獨倡籤名
冊。代奏殷殷乞諫台。

病中憶家

病魔累我歲蹉跎。添得今宵客感多。萬里滄波音信杳。番番白髮

近如何

故園殘菊兩三枝。折寄遊人淡遠思。愧我病容消瘦甚。不如傲節絕離奇。

次黃君伯寅遊片瀨箱根原韻

浮名何足求。深羨故人遊。天地醉糊眼。乘除算到頭。鐘聲催落日。人影悵瀛洲。莫灑傷時淚。空增逆旅愁。弱足步仙闌。河山舉目非。荒煙迷石塚。苦雨滴荆扉。吾道豈終晦。陽公冀返暉。曠觀世界大。詎願故園歸。十月稻梁肥。綠雲四野圍。農人勤作息。遊子失時機。倚劍蒼天問。銜杯皓月依。愁窮鄉思起。怕見雁南飛。

十月返國將圖美洲壯遊別贈郁君趣頻

稚翮無如喜遠飛。厭看旭日少光輝。忙中歲月無情去。劫後江山

過眼非萬事。祇求公論在。一生常恨故人稀。此行全仗君憐惜。餞別天涯熱淚揮。

附郁君趣頻和作

鴻鵠冲霄此一飛。哥倫山水盡清暉。英雄到處皆天地。世俗原來沒是非。匹馬西風僊子杳。隻身東土故人稀。驪歌一曲魂銷日。怕向長亭別淚揮。

自勵

華年真足惜。對鏡覺生慚。古道無人識。新詩共世看。酸心談往事。冷眼盼殘山。吐語皆成淚。凝襟吹未乾。厭作小東客。漫遊大陸間。勞塵都著夢。困學努加餐。世變憂方鉅。巢危羽畏還。餘生家國負。詎忍墮塵寰。

登布引山觀瀑

久思放足極峯間。無奈嶙峋不可攀。入洞驚疑天地窄。出山始歷道途難。醉觀亂石和雲鬪。佇看奔泉引澗環。一步苔階一迴首。未將布引帶於還。

舟經韓國西南羣島時風浪甚惡無以遣懷勉咏一律即

寄趣頻

豪性依然似疇昔。恨吾虛度少年時。短筇散步新橋月。濁浪橫歌老杜詩。桑梓友朋誰可托。別離兄弟苦相思。撫欄怕看重遊地。舊雨天涯一夢之。

津門訪盧君慎之

君作天津客。我懷大陸遊。憶話扶桑事。別日正悠悠。特此訪君駕。爲君消俗愁。名高遭世忤。古今同理由。人生貴適意。逐逐安所求。事業自有在。著述壽千秋。

冬月出都別贈景范

冠蓋奔迎習未除。敦崇氣節在吾徒。曾思姜皎歸田論。忍讀陳東
伏闕書。劫後文章悲短碣。亂餘荆棘塞長途。希文憂樂君懷抱。薄
宦誰人識宿儒。
宦界何堪容足駐。匹夫有責敢肩辭。年來憂患憑誰共。世變滄桑
不我思。華士清談能誤國。遊人別淚化爲詩。願君病體加珍惜。留
待蒼生理亂絲。

過白下訪李君審言

萬里歸來過白門。逢君客邸感情溫。劇憐病累增愁緒。往事談深
帶淚痕。袖裏文章聲價貴。閣邊書籍校刊存。楊生爲了名山願。如
此高風久不聞。

臘歲旋里雜咏五古九首

中原妖氛揚白日爲黯黑。開府出黃金中宦營甲宅。詔書愈優崇。冠蓋愈輝赫。勢燄薰天表。遑問人怵惕。忠直幸有逢。忍坐長夜室。

其二

冬雪白如玉。霏霏落庭前。寒氣侵室來。感知促殘年。人生駒過隙。逐逐亦可憐。始皇一何愚。思學不老仙。所以知足者。弗爲浮榮牽。我怪范希文。樂曷在憂先。

其三

兩次遊燕台。歌哭積襟懷。昔受炸彈驚。今抱鼎湖哀。聖恩感優渥。未獲報涓埃。自恨鄙夷子。誰是柱石才。鼯錯未曾誅。疇肯延郭隗。山林老麟鳳。魏闕盈虎豹。攝政賢周公。不免管蔡猜。孰清君側惡。及早息禍胎。

其四

帝。王。未。必。貴。匹。夫。未。必。賤。貴。賤。所。攸。分。全。在。性。莠。善。夷。齊。與。桀。紂。千。古。誠。僅。見。誰。明。此。理。由。一。以。挽。世。變。

其五

東。漢。尙。氣。節。士。風。且。頹。墮。如。何。一。曹。操。竟。爲。始。終。累。明。知。奸。佞。臣。畏。布。奸。佞。罪。駸。駸。篡。弒。萌。樹。黨。陰。相。結。權。勢。傾。中。外。炙。手。爲。可。熱。足。健。羽。毛。豐。欲。折。不。得。折。早。伸。黜。陟。權。何。至。任。翦。滅。

其六

我。非。齷。齷。兒。乃。是。浪。跡。客。折。爲。大。陸。遊。歸。國。度。三。十。利。祿。逐。蟻。蝮。擾。擾。何。所。迫。頓。起。宦。海。波。含。冤。無。可。白。不。如。學。曠。達。反。得。善。結。束。願。見。落。機。山。寸。心。於。此。足。

其七

提。劍。上。高。臺。揮。塵。話。危。局。荆。榛。塞。長。途。芝。蘭。隱。幽。谷。鳴。鳳。喜。朝。陽。

欲集無桐木。燕雀得所居。稻梁相爭逐。世風日頹靡。感賦空慟哭。

其八

富貴如浮雲。飄忽不可必。大易闡道精。謙者終受益。位高則多危。名高反遭嫉。盈虛消長理。萬世不移易。安有明哲生。一爲破迷溺。

其九

殘年悲促度。新年紀元時。政界呈悲劇。前途未可知。殷憂向誰寫。和淚化爲詩。曾記浮海去。荏苒三載期。佳節昔枉負。寧不樂於茲。此樂又何如。兄弟賦別離。悵望旭日出。頓覺添愁思。而我胡爲者。強笑轉成癡。聚散有定數。黯然復奚疑。

答拱辰見贈

一劍蒼茫志。拳拳未克償。欲扶黃種弱。先學白人強。萬里爲誰苦。千秋奉辦香。春華努力愛。敢說怕離鄉。

不盡平生意。還從大陸行。名山伴我哭。古道向誰明。非抱封侯願。徒留愛國情。獨憐知己在。且喜話蓬瀛。勞君頻贈我。愧我尙依然。去國秋深候。還家臘盡年。室虛爐擁熱。窗冷月孤懸。枯坐無何事。新詩和幾編。

歲殘懷瑄哥

浮海三年夢。何堪累此身。禍中原倚福。冬盡自生春。萬態憑眞理。孤思悟遠因。家園東望久。獨憶未歸人。

再次鯉庭見贈韻

天演苛公理。男兒貴自強。風雲愁大陸。門戶扼重洋。別後懷君苦。吟餘恨夜長。數年文字友。後樂舊同堂。壯志與君異。悲歌正我同。普天哀國恤。四海嘆才空。城社鼠狐寄。稻梁燕雀供。祖生憂祖國。敢說怕西風。

已酉二月五日日本舟中感賦

年。年。濯。盡。樽。桑。足。又。挾。長。風。逐。海。來。歲。月。消。磨。人。境。夢。英。雄。摧。跌。
國。魂。哀。百。家。騰。躍。金。流。火。吾。道。勾。萌。地。奮。雷。太。息。斯。言。誰。可。寄。好。
鞭。隻。影。對。蓬。萊。

此。行。竟。與。素。心。違。萬。事。迷。茫。是。復。非。浮。海。窮。人。昭。雪。未。出。山。名。士。
漸。星。稀。無。端。舊。恨。隨。詩。寄。剩。有。新。鴻。帶。字。歸。塵。事。勞。勞。何。日。已。忍。
將。血。淚。灑。征。衣。

寄懷張君益生

君於是年破選
為諮議局議員

扶。桑。朝。望。燦。紅。霞。回。首。神。州。日。又。斜。家。國。兩。愁。心。縛。繭。利。權。羣。競。
夜。鳴。蛙。謫。身。東。島。三。年。夢。轉。眼。秋。風。八。月。槎。記。得。養。新。書。室。裏。相。
譚。時。局。倍。咨。嗟。

雅室深藏別有天。養成新理異人傳。肝腸餘熱渾同俠。詩酒頻懽

不味禪畢竟中原有名士何曾海外識神仙他年若踐西湖約明月清風共一船

旅館夜吟寄郝唱侯君

君於是年冬主筆皖江日報

天地原來一巨爐陶歐鑄美在吾徒交遊名士波蘭脫提倡公權喀默都熱的文章教紙貴夢餘心事對燈枯滿樓落月休惘悵匣有龍泉影不孤

讀三月二十一日 上諭敬賦爲太常寺卿袁君爽秋賜

謚事

大節不爲奪餘生何足輕仁明懷幼主殊典及先生浮議一朝雪歡聲四海騰十年愛國夢迴首最傷心

左君惺宇以一官冷滯杭垣屢得書具見牢騷語溢於紙上爰賦此誌別並慰之

儒○生○自○有○治○安○疏○底○事○沉○淪○薄○宦○途○萬○里○傳○書○勞○舊○友○十○年○學○劍○
賺○今○吾○湖○山○有○約○何○時○踐○道○義○論○交○並○世○無○此○志○與○君○聊○共○矢○莫○
教○蠅○狗○笑○人○孤○

寄懷次哥時以知縣候補汴垣

宦○味○一○般○熱○如○兄○冷○獨○殊○高○懷○超○俗○吏○治○術○孕○通○儒○家○國○憂○方○積○
肝○腸○歷○未○枯○中○州○叢○政○譽○莫○願○買○山○無○

初夏偶成

得○失○由○來○付○裕○如○光○陰○爲○我○倍○踟○蹰○碧○櫻○葉○軟○垂○頭○落○紅○藥○花○殘○
半○面○枯○聞○到○故○交○多○及○第○索○然○旅○客○獨○成○居○他○年○事○業○儒○生○繫○詎○
爲○浮○名○始○讀○書○

新霽

涼○痕○又○上○碧○窗○帷○底○事○西○風○得○地○吹○怪○煞○海○洋○天○氣○異○沿○街○六○月○

着春衣。

夏六月趣頻卒業回國出小像素題爲臨別記念爰勉賦

兩律以贈

對影題詩筆上襟。西風吹起碧紗沉。三年借助他山石。萬里愴懷故國心。得志願爲天下任。論交端企古人深。者番學了呼歸去。定副亭林左右箴。

才調翩翩邁俗流。三年零雨悵瀛洲。無端詩酒酬佳會。不惜江山續舊游。兩翼展開霄漢路。一心牽盡別離愁。等閒未誤頭顱黑。普渡蒼生入願舟。

懷李君海曙

迢迢久別故人談。何日樽前共醉酣。眼底人才多似鯽。空生庾信賦江南。

接讀櫻花詩一律。知君遊興未曾闌。三山如舊悲沉寂。悄倚闌干
忍獨看。

夜坐

夜寂書翻倦。燈昏鼠戲驚。多情一落月。伴我到三更。

送郁君趣頻至新橋口占四截

自識君家兩載餘。感情終始未曾疏。新橋此日秋風早。憶向江南
訪舊廬。

商量文字多忠告。棖觸滄桑共淚彈。此後情懷無着處。好憑君影
鏡中看。

陶冶菁英造化爐。學參新舊號純儒。使君真是雲中鶴。望遍蓬萊
影已孤。

匆匆離合到今日。我問君歸說有期。樽酒箋詩皆誌別。豪情未與

俗人知。

偶感

矻矻靡所窮。擾擾何日已。有淚不敢流。恐溢滄江水。

送伯寅歸國

危樓曉望日清華。寫起新詩字影斜。零雨三年羈旅枕。秋風八月送歸槎。舊遊都是雲中鶴。故我依然井底蛙。此後騷愁誰可寄。好憑尺素報君家。

懷歸

天涯東望路漫漫。身不能飛着翅難。最怕故園歸信寂。老親頻作倚闌看。

夏日獨居

獨居無朋儕。長日耐寂寞。新句信手拈。和服便身著。倏忽春又殘。

夏風透羅幕。曾記碧櫻花。遲開未遲落。

晚步

獨步幽懷愜。悄然忘是非。眼看孤鳥沒。意共白雲飛。大地留殘照。西風動舊悲。塵消天路近。不覺帶星歸。

秋七月余歸自日京別贈管君砮深

學界迷盲又一時。荒荒人海故交稀。出山泉水都成滴。入夢西風不自持。三島聚懽難劇別。千秋偉業做來遲。天涯莫漫增惆悵。好事容光副後期。

沈君恭甫招予拍影賦此以贈

德薄識賢寡。如君勝故知。窮通非所計。聚遇恨教遲。俠氣侵書劍。秋風閱歲時。天涯留紀念。聊以慰相思。

附恭甫和作

國有顏回在。三年愧不知。秋風何太急。新雨恨來遲。易水題襟日。燕山說劍時。南鴻傳捷至。萬里慰離思。

贈陸君蘭洲爲予餞別

慘綠翩翩邁衆才。何緣海外得追陪。交從眞處性情見。譚到深時風雨來。一別蕭騷紅蓼黯。滿胸塊壘濁醪埋。荷君厚誼無他贈。求艾三年志莫灰。

秋宵

新涼如水逼簾鈎。未了天涯一段愁。故國江山都入夢。昨宵風雨忽驚秋。空教鳴鋏催長夜。怕着征衫續舊遊。正是離懷無遣處。一聲孤雁下瀛洲。

附管君冰深和作

怕捲珠簾上翠鈎。雁聲啼起一天愁。悽涼海國無情月。慘淡風

瀛洲淚

三八

雲別樣秋肝膽不隨時令冷夢魂常繞故鄉遊他年我佐乘權
政化澈陽和喚五州

附拱辰和作

中宵懶起舞吳鈞月色蒼涼夢亦愁家國大難言負荷螻蛄容
自識春秋人心不變科名想天帑徒供汗漫遊太息百年名士
盡西風冷淚弔滄洲

答管君咏深見和

凌滄笑傲酒微醺過渡功名掃白雲剩有文章權筆削未教風骨
露圭稜情天高我能容我客地逢君又別君預餞他時權聚約莫
留哀怨弔詩魂

秋日寄沈君恭甫

一臥滄瀛剩淚痕劇憐屈子未招魂三山秋色妝巖壁萬里西風

夢國門直以詩譎教世覺僅憑肝膽幾人存年來一事差堪慰海
外論交喜合羣。

遊山海關

百二秦關萬古雄興亡墮入眼球同馬嘶衰草黃沙外人擁荒城
落日中倏幻風雲悲逐鹿無端鱗爪訴征鴻明朝怕過京畿道檢
點青衫血染紅。

懷慕哥

歷任直省之東安寶坻大城薊州豐潤等縣均著循聲頃奏保卓異以道員分省補用

羣從惟君得到斯文章節義一身持家無後起勞心怛德續先人
敢責辭大吏不如循吏貴出山未積買山資等閒利祿拋多少詎
爲區區濁俗知。

辜月哭王氏姊

原始產婆學神州竟忽諸沒非緣疾病數豈有乘除禍起孿生慘。

瀛洲淚

四〇

歸來覩面無。母生餘弱弟。顧影獨愁吾。
人命真危淺。生場即死塲。深情牽地府。有夢寄高堂。幼子初牙語。
嬰媿待哺忙。九泉吾父在。相見益悲傷。
自姊于歸後。依依十四春。老親勞久侍。遊子得長征。未贖生離恨。
翻添死別情。家門西望久。無復賦歸甯。
來歲又東渡。何人慰北堂。徒摩嬌子女。忍檢嫁衣裳。愛爲黃泉割。
愁添白髮長。冥中如念母。魂魄早還鄉。

庚戌正月贈楊君耕疇

戰雲慘淡萬方同。盡付悲歌慷慨中。十載舊交多偃蹇。半生壯志
未疏通。聖朝早應招鳴鳳。薄海徒聞起臥龍。此日韶華仍可寶。休
將血淚老詩筒。

杭州客舍夢中作兩截

如此湖山一夕留人間。何地說無愁。忽聞大陸蛟龍走，欲拜西羌定遠侯。
東爪西鱗任意尋。雲山深處有知音。獨奇屈子精靈鬼，城社肝腸刺我深。

少年行

少年意氣本飛揚。蝕盡皮肉項猶強。隻身走入荆榛道，那畏刀鋸銳難當。萬事堅卓疇能料，優孟衣冠鄙可笑。昨日市井今車馬，遇人抗禮競容貌。狺狺世界豺爲人，吞盡弱肉不聞聲。弱肉雖爲強者食，我有俠劍誰敢侵。擊劍飲酒橫才鋒，一筆掃盡莽莽千古無名之英雄。豈徒著書不朽功，名驚四海絕飛龍。金玉其質鐵其性，怕與俗流一刺通。搗破彌衡鼓，學透項莊舞。斗酒飲醉漢，灌夫狂譎當哭罵。政府惜哉乾坤黯黯入夢久，大陸茫茫蛟龍走。風雲慘

淡逼人來天地爲愁鬼亦吼吁嗟乎少年貴適意功名等芻狗天生我才何所用不如快學老杜一曲興亡弄楚騷宋賦周國風長歌短歌任操縱歌殘燈滅月生光明月佳人共一觴嫦娥不妬開顏笑西施流豔酒添香狂楚客窈窕吳孃頓感起英雄兒女抱千秋落魄之淒涼噫吁嘻人生哀樂本無定有限光陰勿虛牡光陰去兮喚不回駸駸壯歲慚對鏡仰視白雲懸太空坐對青山鞭隻影茶煙散盡書燈紅愁夢擾盡澈宵鐘滿腹哀怨寫不盡五更風雨問誰同少年之樂何其不我近使我意氣墮長虹恍忽兮鬢生飄渺兮心盲道可道非常道名可名非常名宵深禪定月白風清且披衣起讀青牛一卷道德經

日京雜感十五絕

欲作班生計罔然黃金世界逼人憐英雄螻蟻乾坤窄負盡狂名

十五年。

年年浪迹倍消魂。况是腥風不忍聞。賴有鄉朋情話熱。一車秋雨

謁君門。已酉歸國取道安奉線經韓抵奉過訪管君寄青是日秋雨淋漓帷不能蔽然梓里舊交傾談關外亦足慰矣

阮籍猖狂海外來。暢聆軍政便心灰。哀哀伏却遼陽地。江左徒生

此霸才。管君寄青畢業於日本士官學校總辦東三省參謀處聲譽烈烈抵奉時暢談軍政頗極愉快然日俄之戰他人戎馬蹂躪陪

都縱覽之餘心為之悒

秋風張翰悔蹉跎。健會於今擲逝波。拂袖南歸期太促。報君消息

愧無多。已酉秋道經奉垣參謀處提調王君壽乾召食松花江細鱗魚有慰張翰秋風之感云

白山形勢走蜿蜒。莽莽皇陵虎氣蹲。送我吟鞭難劇別。山頭迴盼

故人雲。離奉時同鄉張君養吾送至車驛情絮殷殷依依在念

學人不藉科名重。藉重科名人可知。憂樂希文天下係。高懷留作

古今師。

迢遞鄉關路不通。萬方戎馬此身窮。風塵銷盡勞人骨。即在蓬萊

六度中。

螫龍豈竟為塵埋。芻狗功名計已乖。僥倖故人無白眼。不妨重傍

愛河來。

年年同弔京華侶。未到秋風預感驚。自別君家高咏減。唾壺擊碎

有誰聽。郁君趣頻文字友也。已酉秋畢業回國。同赴京華。余因以欠三

鮮和恨哉

少年豪氣邁羣倫。無奈騷愁制我身。閱盡世情雜。聾瞽捫心何以

現天真。

不是文章擲筆驕。萬重荆棘未能消。殘陽西下中原淚。惆悵江南

讀六朝。同鄉管君秋深雄於文者也。昨讀贈沈君恭甫中國五十年間

與政通矣。遂愴然有感。

亂餘文字國光寒。悔着新書共世看。皮之不存毛怎附。徒標虛譽損眠餐。

晉朝名士耽絲竹。明季清流愛華蘿。兩種情懷誰可諒。千秋史筆稿評多。

怕讀孤臣正氣歌。孰持十萬劍橫磨。三韓豈識荆軻學。亡國遺民熱血多。

聯翩伏闕上書回。血淚頻揮劇可哀。且買邱樊且高臥。自無時勢逼人來。
此為第二次國會請願諸君北上作也。萬里陳書莫回天。聽徒令人於瀏覽東西洋歷史時羨佛之人。權宣言日之對民立誓。

附管君砵深和作

讀罷宏篇意悄然。孤身海外仗卿憐。龍門史筆青蓮調。銷盡淮南一少年。

欲放高譟喚國魂。雄獅酣睡寂無聞。孤嫠泣盡憂周血。一緯難
通上苑門。歐風美雨逐潮來。錦繡河山劫染灰。舉國盲聾天亦醉。鞠躬誰
是武鄉才。快鞭隻影莫蹉跎。銅柱巍巍馬伏波。血性男兒今古有。勳名休
讓漢家多。榆塞旌旗捲日昏。是誰小醜舞蹲蹲。關東自古屏藩地。掩盡扶
桑一片雲。黃禍思潮騰大陸。欲隄黃種牖新知。亞丹原富盧梭論。允作生
存獨立師。誰塞荆榛路不通。陳東伏闕哭途窮。即今十萬橫秋劍。窳氣長
鳴玉匣中。

只爲雄椎博浪埋。秦廷政策任鴟乖。妖氛飛亂天山路。那得張
良一擊來。不是愁懷激不平。揮毫那得鬼神驚。讀君一卷江南曲。譜入離
騷墮淚聽。茫茫大陸走天驕。萬古愁難借酒消。獨有一般馮可道。簪纓猶
自赫三朝。劍光冲入斗牛寒。傳列荆軻一例看。慚愧中原名下士。不增熱
度祇增餐。海牙健會不平和。俗吏酣嬉戀苧蘿。安得提來文正筆。道旁消
却哭聲多。漫向蓬瀛發浩歌。人間無玉不磋磨。長沙走冷三千道。一策危
言價值多。

無計揮戈逐日回。西風吹斷國魂哀。男兒怕受亡奴痛，且向東瀛仗劍來。

附金君澤蒼和作

冷霧寒霾風颯然。眼前花木總堪憐。不知何事干天怒，已謫塵寰三十年。
爲戀春魂失國魂。鶯鶯燕燕耐人聞。晉廷朝士風流甚，問柳尋花到禁門。
春花春燕兩蹉跎。未見春風解綠波。屢捧玉章邀上帝，垂楊消息尙無多。
曲徑仍需曲徑通。壯懷何事泣途窮。高車駟馬黃金印，都在深深一謁中。
玉膩珠瑩骨並清。豈徒膚彩令人驚。含情欲續前宵話，只恐耶

孃○又○誤○聽○

附沈君恭甫和作

大○陸○風○雲○總○黯○然○。隻○身○西○顧○倩○誰○憐○。經○綸○未○副○蒼○生○望○。報○國○空○
殷○十○數○年○。

記○得○當○年○仗○劍○來○。滿○腔○熱○血○未○全○灰○。勉○成○一○卷○牢○騷○語○。慚○愧○蘭○
臺○記○事○才○。

天○心○夢○夢○日○蹉○跎○。歐○亞○風○雲○捲○戰○波○。說○到○強○權○公○理○滅○。算○來○恩○
不○敵○仇○多○。

自○君○別○後○黯○詩○魂○。誰○識○今○朝○共○此○蹲○。抵○掌○疾○談○軍○國○事○。詞○鋒○辟○
盡○海○東○雲○。

塞○外○烽○煙○淒○鼓○角○。傳○來○消○息○有○誰○知○。傷○心○百○二○雄○關○地○。走○遍○倭○
奴○十○萬○師○。

茫茫大陸缺交通。敷設由人計自窮。不信太平洋上望。路權墮入範圍中。

綠柳纒黃草。半青離懷耿耿。夢魂驚客中。莫唱家山曲。我亦同君不忍聽。

壓倒羣英氣不倫。清風明月識前身。挹君眉宇崇君節。不減南唐一太真。

中原踏遍馬蹄驕。濁酒難將塊壘消。漫說詩詞當涕淚。一生最怕讀南朝。

匣中寶劍逼人寒。吐出光芒共月看。得意且爲豪俠舞。不須努力勸加餐。
任君抗抱回天術。怎奈中原盡薜蘿。利祿銷殘朱郭骨。江湖俠客恐無多。

淒涼海國首難回。話盡滄桑意更哀。不是君家枚乘筆。伊誰喚得國魂來。

題沈君恭甫鐵道小史

歐亞風潮咄咄來。強權要挾國魂哀。洪鑪縱鑄興亡局。自有新機運轉回。

經營何事付人家。賣路風聞大可嗟。賴有國民權利競。路旁遍植自由花。

莫說交通發達遲。乘機好着鐵鞭馳。一聲警破江山夢。況是中原大睡獅。

莽莽坤輿一幅圖。路權喪失國權枯。讀君一卷瓜分史。留作中興紀念書。

旅邸寫憤賦寄劉庚白君

江○南○同○客○賦○十○載○夢○初○驚○四○海○論○文○少○名○山○仗○劍○行○幾○人○繩○法○律○
豎○子○矚○科○名○時○勢○盲○如○此○鐘○銷○瓦○競○鳴○

贈趙君雨生兩絕

幾○年○滄○海○浪○遊○蹤○醇○酒○脂○韋○觸○處○同○自○接○荆○州○高○宴○後○翩○翩○豪○氣○
拜○元○龍○

倒○盡○中○原○一○太○阿○伊○誰○挾○策○挽○頽○波○君○家○熱○血○關○天○性○爲○釣○虛○名○
論○已○苛○

讀蔣觀雲先生詩有感即以賦贈

蔣○公○明○哲○士○豈○賴○以○詩○名○氣○節○洪○鑪○鑄○文○章○俠○劍○鳴○滴○枯○憂○國○淚○
參○透○俗○人○情○無○限○恩○讎○感○西○風○訴○不○平○
先生前曾以立秋兩絕示予
中有幸有西風最公道之句

感事三律

國○步○艱○難○計○已○窮○笑○他○媧○石○補○天○功○債○臺○築○就○終○危○險○軍○餉○征○殘○

飽○吏○傭○貴○粟○祇○因○流○異○域○理○財○屢○詔○責○司○空○江○淮○十○萬○哀○鴻○布○早
發○京○儲○弭○內○訶

求○賢○明○詔○下○紛○紛○無○奈○忠○言○擁○上○聞○太○尉○有○謀○籍○呂○祿○上○方○無○劍
哭○朱○雲○就○徵○名○士○心○雖○熱○伏○闕○書○生○草○自○焚○欲○繞○秦○廷○哀○七○日○徒
胎○黨○禍○激○明○君

丸○泥○未○可○塞○重○洋○藩○蔽○從○茲○窟○虎○狼○箕○國○原○來○稱○貢○漢○吐○蕃○自○古
叛○降○唐○陞○臣○避○缺○求○推○少○外○部○謀○歸○詰○責○常○孰○是○匈○奴○都○護○使○天
山○南○北○漢○威○張

庚戌東遊怏怏不樂爰本所感拉襍書之漫不詮茨得八
首

文○人○多○寥○落○壯○歲○百○感○經○人○事○日○荆○榛○強○笑○難○爲○情○西○風○警○客○夢
饑○軀○悔○長○征○起○坐○四○顧○寂○空○懷○梁○父○吟

風雪撲人冷。喁喁肺腸温。自度海東來。此意向誰宣。伴我杜魂哭。
驅我屈靈還。忍耐而勿失。是謂存其誠。
世事幻風雲。立身慎進退。外物善誘人。誘之增愛畏。蚊虻嗜肌膚。
通昔不能寐。矧心如懸旌。何自安其位。
萬仞實鄰危。一簣墮無垠。立志主堅靜。夔醇不獲成。四海論交難。
文字締緣因。豈樂文字緣。世味雜酸辛。四顧何茫茫。中無問道津。
拔劍向天倚。一鳴滄海驚。孰導賢人路。羅盡先覺民。
市有淘沙者。竟日鑿溝渠。志在沙中金。不惜辱泥塗。所得多瓦礫。
偶一現珍珠。雜珠瓦礫內。持以售卞和。遭時真不幸。瓦礫一例科。
終古竟遺棄。誰謂區別多。
法律爲師傅。道德爲比隣。惜哉此名言。濁世無服膺。萬方呈殺氣。
一語難爲春。燕趙慷慨士。且歌且悲辛。茫茫周原土。秦火化爲塵。

願○勿○懷○玉○石○。笑○我○學○杞○人○。
憂○患○嬰○平○生○。靈○臺○爲○之○桎○。天○地○亦○牢○籠○。欲○走○四○顧○。窄○忽○檢○至○樂○編○。
恍○兮○若○有○。得○哀○樂○同○一○源○。盍○向○源○頭○測○。壹○性○且○養○氣○。形○不○役○於○物○。
明○乎○此○坦○塗○。忘○生○自○忘○沒○。
天○涯○淒○風○雨○。我○淚○如○雨○絲○。莫○怪○如○雨○絲○。人○生○思○幼○時○。幼○時○不○自○覺○。
旣○覺○徒○傷○悲○。蹉○跎○復○蹉○跎○。歲○月○如○電○馳○。側○身○蓬○島○間○。寒○暑○六○遷○移○。
造○化○何○弄○人○。豪○氣○爲○瘖○啞○。賴○有○匣○劍○鳴○。奇○聲○驚○天○下○。論○交○少○年○場○。
迄○今○識○賢○寡○。橫○流○日○滔滔○。伊○誰○支○大○廈○。一○卷○傷○時○言○。愧○未○得○真○諦○。
眼○高○學○不○充○。名○高○反○遭○忌○。積○毀○何○自○來○。端○由○逞○意○氣○。豈○知○意○氣○揚○。
斗○筭○爲○之○噐○。世○濁○孰○能○清○。吾○惟○守○吾○義○。世○夢○孰○能○狂○。吾○惟○安○吾○遇○。
默○默○審○於○言○。沉○沉○察○其○幾○。晤○道○鞭○癡○聾○。抱○石○相○砥○礪○。

附詞

浪淘沙

歌。哭。未。曾。休。無。計。排。憂。險。危。身。世。似。蜉。蝣。積。卷。窗。前。開。不。得。海。上。
 雲。浮。把。酒。且。搔。頭。痛。說。神。州。忍。將。恥。辱。數。從。頭。又。何。況。昨。宵。風。
 雪。獨。坐。危。樓。

清平樂

高。名。速。忌。人。海。誰。知。己。一。段。騷。然。無。可。寄。書。劍。千。年。已。矣。西。湖。
 名。士。生。涯。蓬。萊。仙。子。誰。家。着。去。吟。鞭。早。早。怕。消。壯。歲。韶。華。

百字令

光緒壬寅借劉庚白南遊金陵投考學校是年甫十
 九光陰虛壯瞬近十年壯歲駸々何以自了廻想少
 年豪氣不可復見
 矣遂愴然有感

深。愁。似。海。問。江。南。一。曲。是。何。年。紀。十。載。于。今。忍。憶。記。不。是。舊。時。豪。

氣。拭。淚。征。衫。鳴。冤。俠。劍。歲。歲。勞。塵。裏。新。詩。當。哭。伊。誰。識。此。情。味。
無。奈。大。地。風。雲。潢。池。盜。弄。七。尺。無。從。寄。閱。盡。險。危。雜。聾。瞽。極。枯。天。
真。無。已。一。卷。文。章。千。秋。事。業。處。處。違。初。意。從。頭。理。起。問。卿。有。何。妙。
計。

醜奴兒令述懷

猛憶十數年前事。眼也清高。骨也清高。枉負文章海內豪。春宵
怕做傷心夢。自顧矜憐。不信矜憐。好讀南華秋水篇。

太常引

題崇明施叔懿
女史湘痕吟草

深愁多付有才人。休認此何因。天道也無情。莫行到空山問靈。
讀君吟草。崇君貞節。啼盡杜鵑聲。女界喚光明。爲留下千秋偉名。

南歌子咏紅梅

香霧散。幃輕。香風隔院迎。擁雲倚翠喚卿卿。含盡纖嬌痛惜不分。

明。紅。淚。彈。深。恨。心。香。續。舊。因。溫。存。繡。帳。絮。前。生。最。怕。五。更。風。緊。
夢。魂。驚。

洞仙歌 憶家

梅天未到。忽蕭蕭風雨。倚與遊人作酸楚。憶悲笳聽徧。金屋寒餘。
都不敵此度淒涼情緒。夢邊春海淺也。漾樓臺恰似南朝舊風。
景。欹。枕。怕。春。宵。入。曉。還。雲。可。遞。到。鄉。關。音。信。擬。起。坐。披。衣。把。窓。開。
欲。問。語。斜。陽。征。鴻。無。影。

湘月 庚戌正月遊西湖作

湖。山。無。語。問。中。原。如。此。誰。爲。設。計。我。是。年。年。塵。海。客。到。此。愈。增。涕。
淚。芻。狗。功。名。沐。猴。冠。冕。豈。是。平。生。意。錢。塘。蘇。小。也。應。笑。我。無。趣。
忽。見。一。挂。殘。陽。半。堤。芳。草。頓。觸。新。愁。起。義。魄。香。魂。覓。不。得。渺。渺。情。
懷。誰。寄。興。到。賦。詩。狂。來。擊。劍。兩。種。聆。癡。具。訪。誰。范。蠡。五。湖。同。棹。烟。

水。

阮郎歸代友人作

金綃帳裏寫溫柔。波痕一轉秋。昨宵情話不難求。情難易注眸。
紈扇小。紵紅兜。搖風陣陣愁。今朝別約怕沈浮。含嬌不敢流。

導前曲夜賦

騷人淚。騷人淚。冷雨逼春宵。銀蠟心長詩半句。千家好夢待誰敲。
山鐘警寂寥。

鯉戀花惜春

酒醉春游春亂路。轉眼櫻花。空嘆年華誤。教我遊人留不住。落梅
飛盡陽春暮。無限癡愁誰可訴。一卷新詞賦到斷魂句。莫怪惜
花忙囑咐。怕他昨夜風和雨。

金縷曲

六中之日本
客中感賦

我○又○東○遊○矣○。算○今○年○蓬○萊○六○度○。酸○辛○何○似○。縱○使○秋○風○鳴○得○意○。芻○狗○科○名○而○已○。問○頻○客○天○涯○何○意○。島○國○不○堪○容○足○駐○。莽○中○原○橫○唱○瓜○分○議○。趁○早○去○。早○爲○計○。從○頭○理○起○青○年○事○。最○無○聊○一○曲○江○南○狎○狂○燕○。市○願○挾○黃○金○三○百○萬○。交○盡○五○洲○名○士○。更○結○盡○邯○鄲○壯○子○十○載○狂○名○如○夢○寐○。醒○眼○時○。拋○落○滄○溟○裏○。俠○劍○怨○忍○提○起○。

唐多令

二月二十七清
明客中哭姊

冷○雨○滴○清○明○。新○愁○寸○寸○經○。最○愴○心○姊○妹○花○零○寒○食○未○能○揮○淚○。祭○恨○此○次○壯○遊○行○。孤○塚○草○乍○青○。孤○魂○何○處○尋○。教○余○懷○無○計○爲○情○。尤○怕○高○堂○悲○慘○切○。當○此○慰○籍○誰○人○。

鵲踏枝 痛祖國伏莽之叢生也

禍○水○涓○涓○泥○不○住○。豺○虎○橫○行○。梗○塞○行○人○路○。朝○野○沉○酣○迷○不○悟○。誰○爲○億○兆○呼○冤○負○。世○界○翻○雲○兼○覆○雨○。一○抹○斜○陽○慘○照○瓜○分○土○逐○鹿○中○。

原。誰。是。主。男。兒。怕。受。亡。奴。苦。

菩薩蠻 夜遊上野觀櫻

長堤十里花迷目。酣遊澈夜何需燭。月下美人隨。香風醉客歸。
人生圖適意。利祿輕螻蟻。利祿抵死求。花應替我羞。

賣花聲 遊隅田川觀櫻

酒。醉。暮。春。天。花。景。爭。妍。青。年。士。女。慣。喧。闐。十。里。軟。紅。飛。不。斷。風。送。
花。船。怎。奈。旅。人。憐。四。顧。蒼。然。斜。陽。西。下。立。無。言。轉。眼。芳。英。殘。客。
夢。重。到。何。年。

如夢令 傷春

迢遞芳音何處。惆悵年華已誤。春去喚不回。散出漫天情絮。稍住。
稍住。只怕紅愁綠妬。

浣溪紗 有寄

春冷天。涯不自持。鄉關萬里夢來遲。蒼天無語問何之。有約梅。
花難解恨。多情柳絮未填詞。淚痕紅上碧桃枝。

減蘭

才人遭厄。天演淘盡英雄骨。如夢如烟。恨不先生二十年。年年
心史。翻雲覆雨成何事。獨弔天涯。身世飄零惜落花。

瀛洲淚附錄同志詩選

見贈

曹民輔

壯懷久逐白雲飛。去國春華但益悲。浮海不因吾道晦。乘槎誰說
學仙非遲遲。西日憐鴉倦。臬臬東風羨燕歸。短影催人歸未得。三
年求艾莫相違。

挽先師陳惕庵先生

全上

江湖客歲久離居。聞到秋帆歸故廬。萬里忽傳哀鵬鳥。六經從此
泣蟲魚。諸候曾致分庭禮。老淚頻揮北闕書。苦憶春風依一月。拂
衣去後永分裾。

見贈

牛霖生

紛紛新舊兩交誼。屹立人群氣吐虹。海內多才輸葉適。中原無地

位。陳。東。早。知。邊。事。驚。風。鶴。獨。探。仙。方。起。病。蟲。我。祇。勸。君。爲。國。重。莫。
將。成。敗。置。胸。中。

次侯叔龍君韻

左惺宇

年。來。踪。跡。類。飄。萍。別。恨。長。亭。又。短。亭。念。我。高。堂。頭。已。白。勞。人。客。路。
眼。誰。青。荒。江。中。酒。連。朝。醉。遠。浦。含。烟。向。晚。冥。一。事。輸。君。拋。不。得。邯。
鄲。有。夢。未。曾。醒。

蕭。然。身。世。一。儒。冠。何。事。羈。縻。強。入。官。傀。儡。功。名。看。豎。子。文。章。神。鬼。
助。毫。端。鄉。心。無。着。量。晴。雨。世。味。深。嘗。雜。苦。酸。喜。遇。芹。陽。賢。令。尹。卒。
原。十。日。共。盤。桓。

栽。花。種。竹。數。良。晨。辜。負。林。泉。自。在。身。宦。味。一。般。慵。嚼。蠟。饑。軀。千。里。
悔。征。塵。樽。無。佳。釀。能。消。恨。案。有。新。詩。不。算。貧。何。日。淮。南。招。隱。去。與。
君。同。賞。故。園。春。

見贈

曾蓬舫

別恨原無奈。淒涼更客中。雁歸秋尚早。鴉倦日猶紅。零雨三年瘁。人才四海窮。使君鞭快著。翹首壓羣雄。交久難爲別。時艱胡不歸。遼河腥血染。洱海檄文飛。報國書生劍。思親客子衣。隻身羈萬里。誰與話襟期。

見贈

郁趣頻

大陸不堪容足駐。匹夫有責敢肩辭。眼前得失皆成幻。管裏文章未許窺。男子豪情三尺劍。風人怨緒十年詩。班生疑是僊臺去。楚容還吟澤畔詞。

日京有感

管冰深

莽莽中原一逝波。登高西望動愁魔。版圖已破天然界。花樣猶誇曳落河。腐敗模型塵吏足。英雄事業布衣多。我來願借東瀛水。拔

出龍泉十萬磨。

寄贈集義學堂同人

全上

瑟瑟秋風大地寒。况羈海外影孤單。傷心外侮層層逼。回首中原
着着難。石果鍊堅天可補。橋能駕就鵲成團。由來教育興亡繫。快
鑄人材策治安。

五風十雨襍連朝。穩定方針浪便消。萬事但求公理合。一生最忌
片言驕。趙高指馬終非馬。秦政鞭橋自有橋。日月光明燭火熄。諸
君何必計浮囂。

中秋前五日雨中觀海棠

全上

一天涼雨滴心頭。悵望家山動別愁。怪煞海棠不解意。紅粧分外
豔中秋。

見贈

姚楚卿

茫茫一祖國。四面受潮流。天意有付託。君才無匹儔。學遊新大陸。
人去古神州。瘦損維摩帶。相思省得不。海外九州大。而今若比隣。
神魚翻巨浪。墨雨浥征塵。夏屋宏西域。春暉動遠人。衡門日斜際。
倚望有慈親。

贈滇南李晴峯君

金謫蒼

糝糊風雪冷。愁魔煮酒高。吟易水歌一粟早。窺滄海大千秋。無奈
俠人何蒼天。不顧容顏老。亂世知交涕淚多。君在滇南我江北。蓬
萊祇可共摩娑。

見贈

全上

家國年年恨。秋光又早回。蒼天憐我寂。舊兩報君來。欲識青燈夢。
有如黃菊杯。連床一夕話。涼月上庭槐。

見贈

王拱辰

自古名賢隱鍛鑪。鍊成鐵漢濟蒸徒。復讎羞作秦庭哭。扶義寧呈督亢圖。熱血一腔天可訴。海深千尺水難枯。致身社會酬明聖。子何嫌隻影孤。

赤壁懷古

全上

危巖矗立大江潄。鏖戰偏難孟德擒。南國永分延漢祚。東風與便識天心。飛鳥聲噤。奸魂落橫槩。歌高霸氣沉。一炬可憐焦骨亂。茫茫星月夜寒深。

永安宮懷古

全上

君臣骨肉情偏重。大起兵戈報寇讎。一自猊亭嗟敗績。更無雄畧付貽謀。關張殞命天心忍。貔虎連營劫火休。縱詔武侯孤可託。千秋遺恨屬荊州。

蘇臺懷古

全上

闔廬遺蹟訪姑蘇。高踞臺巔瞰太湖。州近百花飛落葉。徑盤九曲長荒蕪。淒涼秋雨遊麋鹿。寂寞春風聽鷓鴣。恨殺吳山一片月。夜來仍照舊城隅。

潤州口占

全上

大江不語背城流。黯黯斜陽萬歲樓。雲影拓開瓜步月。風聲吹落蒜山秋。君臣宴會思先主。婚媾兵戎笑仲謀。底事伯圖無正軌。宮花今日尙含羞。

正 誤 表

序文	題辭	本文											頁數	行數	誤	正									
三	四	五	一	六	八	九	九	一	二	五	五	七	六	六	六	五	候	侯							
八	一	一	四	一	一	一	二	一	七	五	六	六	二	七	七	籍	藉								
法	秤	重	贏	伺	歸	傳	選	佞	途	然	籍	候	法	秤	重	贏	伺	歸	傳	選	佞	途	然	籍	候
怯	桴	贏	伺	婦	傳	遲	佞	途	愁	籍	侯	怯	桴	贏	伺	婦	傳	遲	佞	途	愁	籍	侯	怯	桴

出版新書廣告

比較國會議論

鹽城馬爲瓏譯

定價壹元

富之滿州

鹽城馬爲瓏譯

定價六角

中國五十年間鐵道小史

南陵沈許虔著

定價四角

女子應用教科書

鹽城馬爲瓏
崇明郁應蘇合編

定價四角

經濟學講義

豐潤王紹曾編

定價六角

上海四馬路惠福里普書局

宣統二年四月初版印行

(定價大洋三角)


著作者 馬 爲 瓏

上海四馬路惠福里

發行所 普 及 書 局

東京市神田區中猿樂町四番地

印刷所 秀 光 舍



分售處 中國內地各大書坊

713231

27

27